



Број/Број: 03/1-50-14-7-35-5/14

Сарајево/Sarajevo, 9. 4. 2014.

**PREDMET: Informacija o sudjelovanju članova Zajedničkog povjerenstva za obranu i sigurnost BiH na 85. Rose Roth seminaru, Sarajevo 18-20.3.2014.**

Članovi Zajedničkog povjerenstva za obranu i sigurnost BiH u periodu od 18-20.3. 2014. sudjelovali su na 85. Rose Roth seminaru u organizaciji Parlamentarne skupštine NATO i Parlamentarne skupštine BiH.

Delegaciju Zajedničkog povjerenstva su činili Dušanka Majkić, predsjedateljica, Borjana Krišto, prva zamjenica predsjedateljice, Šefik Džaferović, drugi zamjenik predsjedateljice, Beriz Belkić, član Zajedničkog povjerenstva, Ljiljana Milićević- tajnik, i Željko Grubešić, stručni savjetnik.

85. Rose – Roth seminar je održan s ciljem promoviranja jačanje sigurnosti, političke i ekonomske stabilnosti i reformi u zemljama jugoistočne Evrope na njihovom putu ka europskim i euroatlantskim integracijama.

Trodnevnom skupu, čija je osnovna tema „Sigurnost i demokratizacija u jugoistočnoj Evropi: jačanje stabilnosti, promoviranje reformi“, nazočilo je više od stotinu parlamentaraca iz zemalja članica i pridruženih članica NATO-a, zemalja jugoistočne Evrope koje nisu članice NATO-a, predstavnici najviših institucija BiH, nevladinog sektora iz BiH i zemalja regiona, kao i jedan broj afirmiranih stručnjaka iz oblasti obrane i sigurnosti iz BiH i zemalja regiona.

Skup je, u svojstvu domaćina i predsjedatelja uvodne sesije, otvorio šef izaslanstva PSBiH u Parlamentarnoj skupštini NATO-a Božo Ljubić, a učesnicima i gostima ovog skupa obratio se i predsjedatelj Zastupničkog doma PSBiH Milorad Živković.

Tokom uvodne sesije svoje viđenje političke i sigurnosne situacije u BiH i zemljama regiona iznio je Julio Miranda Calha, bivši potpredsjedatelj Parlamentarne skupštine NATO-a i specijalni izvjestilac Komiteta za obranu i sigurnost Parlamentarne skupštine NATO-a, koji je naglasio da su vrata NATO-a i EU otvorena za sve zemlje jugoistočne Evrope, pod uvjetom da izgrade stabilne, funkcionalne i demokratske institucije, da imaju stabilne odnose sa susjedima i da ispunе uvjete koje propisuju NATO i EU.

U svojstvu predsjedatelja Parlamentarne skupštine OSCE-a sudionicima Rose – Roth

seminara obratio se i predsjedatelj Skupštine Crne Gore Ranko Krivokapić, koji je pozvao zemlje regiona da surađuju u provođenju reformi i ujedine se u borbi protiv kriminala i korupcije.

Tokom uvodne sesije svoje izlaganje u svojstvu eksperta imao je i bivši visoki predstavnik međunarodne zajednice u BiH Padi Ešdaun.

Seminar je inače bio podijeljen u pet sesija. Prvog dana seminara se raspravljalo o šansama za proširenje EU i NATO-a u jugoistočnoj Evropi. Drugog dana seminara, tokom druge i treće sesije, raspravljalo se o trenutačnoj političkoj situaciji u BiH i o sigurnosnoj suradnji u jugoistočnoj Evropi. Trećeg dana seminara, 20. ožujka, bilo je riječi o reformi sektora obrane i izgradnji integriteta u BiH, dok je posljednja sesija bila posvećena temi „Kosovo i Srbija – trenutačna politička situacija i kako dalje“.

Predsjedateljica Zajedničkog povjerenstva  
Dušanka Majkić

-